

Tasdiqlayman
Bosh direktor v.v.b. G. Muxiddinov

2022 yil 12-soni kunidagi
№ 12-sonli buyruqqa 12-ilova



**“YO'L-LOYIHA BYUROS'I” MChJ tomonidan avtomobil yo'llarini (yo'l inshootlarini va binolarini) qurish, rekonstruksiya qilish va to'la ta'mirlash ob'yektlarida o'lchov va laboratoriya sinov-tadqiqot ishlarini bajarish yuzasidan eng yaxshi takliflarni tanlash, tanlov va tenderlar o'tkazish bo'yicha tanlov komissiyasi ish
REGLAMENTI**

I. Umumiy qoidalar

1. Mazkur reglament O'zbekiston Respublikasining 2021 yil 22 apreldagi O'RQ-684-sonli “Davlat xaridlari to'g'risida” gi qonuni va amaldagi me'yoriy hujjatlarga asosan ishlab chiqilgan bo'lib, tanlov komissiyasining tanlovlarni o'tkazish va uni tashkillashtirish tartibini belgilaydi.

2. Tanlov O'zbekiston Respublikasi Prezidentining 2019 yil 9 dekabrdaagi “O'zbekiston Respublikasi yo'l xo'jaligi tizimini chuqur isloh qilish chora-tadbirlari to'g'risida” PF-5890-sonli farmoni va hukumatning tegishli topshiriqlariga asosan o'tkaziladi.

3. Tanlov komissiyasi a'zolari 7 kishidan iborat bo'lib, komissiya a'zolarining 3/2 dan kam bo'lmagan qismi qatnashsa tanlov komissiyasi qabul qilgan qaror muvofiq deb hisoblanadi.

4. Takliflarni tanlovga e'lon berilgandan 5 ish kunidan so'ng, komissiya a'zolari ishtirokida ko'rib chiqiladi.

5. Tanlov komissiyasining har bir a'zosi tomonidan takliflar bo'yicha ovoz berish natijalari to'g'risidagi ma'lumotlar qat'iy ravishda maxfiy va oshkor etilishi mumkin emas.

6. Paketlarni komissiya vakillari tomonidan o'rganish va baholash Oferentlar yoki ularning vakillari ishtirokisiz elektron tarzda o'tkaziladi.

7. Agar tanlov g'olibi tanlov hujjatlarida nazarda tutilgan shartlar asosida shartnoma tuzishdan bosh tortsa, unda takliflarni keyingi ball olgan ishtirokchi tanlov g'olibi bo'ladi yoki tanlov yangidan o'tkaziladi.

8. Oferent tomonidan ilgari atrof tabiiy muhitga ta'siri loyihalarini ishlab chiqish ishlarini amalga oshirish o'z vaqtida bajarilmagan va sifatsiz ishlab chiqilgan bo'lsa, shartnoma majburiyatlarini asossiz ravishda buzganliklari, shuningdek pudratchilar tomonidan shikoyat bo'lgan taqdirda, Tanlov komissiyasi oferentning taklifini rad etishga va paketni ochmasdan qaytarishga haqlidir.

9. Agar ishtirokchi avtomobil yo'llarini (yo'l inshootlarini va binolarini) qurish, rekonstruksiya qilish va to'la ta'mirlash ob'yektlarida o'lchov va laboratoriya sinov-tadqiqot ishlarini bajarish ishlarini amalga oshirish narxini buyurtmachining boshlang'ich narxidan 70% dan kamini taklif qilsa, u tanlovni keyingi bosqichda ishtirok etishdan chetlatiladi.

10. Tanlov ishtirokchilari avtomobil yo'llarini (yo'l inshootlarini va binolarini) qurish, rekonstruksiya qilish va to'la ta'mirlash ob'yektlarida o'lchov va laboratoriya sinov-tadqiqot ishlarini bajarish faoliyati bilan shug'ullanishga tegishli sertifikatga ega bo'lgan tashkilot va korxonalar bo'lishi lozim.

11. Tanlovda ishtirok etish uchun ariza beruvchi mazkur reglament ilovasida belgilangan hujjatlarni taqdim etishi shart:

12. Hujjatlar (Texnik qism, taklif etilayotgan narx va ishlarni amalga oshirish muddati) muhrlangan nusxalari elektron ravishda qabul qilinadi.

13. Baholashning asosiy mezonlari ishning qiymati va ishni bajarish muddati bo'ladi.

14. Tanlov natijalari asosida tuzilgan shartnomaning shartlari O'zbekiston Respublikasi hududida amal qiladigan Fuqarolik kodeksining umumiy tamoyillariga, “Xo'jalik yurituvchi sub'ektlar faoliyatining shartnomaviy-huquqiy asoslari to'g'risida”gi O'zbekiston Respublikasi qonuniga va me'yoriy hujjatlarga muvofiq bo'lishi kerak.

15. Ishtirokchilar tomonidan taqdim etilgan hujjatlar qo'yilgan talablarga javob berishi kerak.

16. Tanlovda qayta tashkil etilayotgan yoki bankrotlik holatidagi tashkilotlar ishtirok etishi mumkin emas.

17. Oferentlar tomonidan taklif qilingan narxlar O'ZBEKISTON RESPUBLIKASI TOVAR-XOM ASHYO BIRJASI "etender.uzex.uz" tizimi tomonidan avtomatik tarzda baholanadi.

II. Tanlov taklifiga kiritilgan hujjatlar.

18. Tanlov ishtirokchisi quyidagi ma'lumotlarni taqdim etadi:

Tanlov ishtirokchisining tashkiliy shakli to'g'risidagi ma'lumotlar, Tashkilotda qurilish materiallarini sinash uchun laboratoriya xonasining mavjudligi (kadastr hujjatlari nusxasi yoki ijara shartnomasi nusxasi va b.) (1-ilova).;

19. So'nggi uch yildagi tanlov ishtirokchisining moliyaviy holati to'g'risida hujjatlar (2-ilova).

20. So'nggi uch yil davomida bajargan ish tajribasi (asoslovchi hujjatlar bilan). Amalga oshirilgan ishlar bo'yicha tuzgan shartnomalari nusxalari taqdim etilishi lozim (3-ilova jadval ko'rinishida).

21. Ob'ektni joyida o'rganganligi to'g'risida ma'lumotnoma. Vizual grafik materiallar (Ob'ektning rejasi, umumiy ko'rinishi, tushuntirish xati (4-ilova).

22. O'lchov va laboratoriya sinov-tadqiqot ishlarini bajarishda foydalaniladigan o'z balansidagi jihozlar va texnikalarning ro'yxati; (5-ilova).

23. Loyiha hujjatlarini ishlab chiqish uchun ishtirokchi taklif qilgan narx (6-ilova).

24. Loyiha hujjatlarini ishlab chiqish muddati (7-ilova).

25. Byudjetdan qarzi yo'qligi to'g'risidagi ma'lumotnomani taqdim yetish (davlat soliq organlari tomonidan tasdiqlangan);

26. Tanlov ob'ekti qiymatining kamida 10 foizidan kam bo'lmagan miqdorda aylanma mablag'larning mavjudligi yoki ushbu mablag'larni taqdim yetish uchun bank kafolati (xizmat ko'rsatuvchi bank tomonidan tasdiqlangan guvohnoma);

III. Taklifni muhrlash va markalash.

27. Hujjatlar imzolangan va muhrlangan nusxalari elektron ravishda yuboriladi.

28. Takliflar va hujjatlar talab qilingan holatda taqdim etilmasa buyurtmachi tomonidan hujjatlar qabul qilinmaydi yoki ko'rib chiqilmaydi.

IV. Komissiya ishini boshlash, tanlov takliflarini ochish va baholash.

29. Qoidaga muvofiq tanlov O'ZBEKISTON RESPUBLIKA TOVAR-XOM ASHYO BIRJASI "etender.uzex.uz" tizimida o'tkaziladi.

30. Oferentlar takliflari O'ZBYEKISTON RESPUBLIKA TOVAR-XOM ASHYO BIRJASI "etender.uzex.uz" tizimida ko'rib chiqiladi.

31. Tanlov komissiyasi ishtirokchilarning takliflarini ko'rib chiqadi, ularning to'g'ri to'ldirilganligi, xujjatlarning elektron nusxalari xaqiqiyliigi, to'g'ri imzolanganligi va umumiy holat bo'yicha takliflarni ko'rib chiqadi.

32. Tanlovga kiritilmagan yoki diskvalifikatsiya qilingan taklif ishtirokchilarini bayonnomada sababini ko'rsatgan holda Tanlovdan chetlatiladi yoki diskvalifikatsiya qilinadi.

V. Tanlov ishtirokchilarini baholash.

33. Tanlov g'olibini aniqlashda konkurs ishtirokchilar tomonidan to'ldirilgan va taqdim etilgan ilovalar xarid komissiyasi o'rganib chiqiladi.

34. Tanlov komissiyasining kotibi ballar jadvalini to'ldiradi va komissiya azolari ushbu ballar bilan tanishib uni tasdiqlaydi(ERI bilan) (namuna 1-jadvalda keltirilgan).

35. Zarur bo'lganda, tanlov komissiyasi komissiya tarkibidan, "YO'L-LOYIHA BYUROSII" MChJ bo'limlaridan yoki tegishli boshqa mutaxassislarni jalb qilgan holda hujjatlarni to'liq o'rganib chiqish va xulosa kiritish uchun baholash guruhi tuzishga haqlidir.

№ №	Parametrlar nomi	№№ Ilovalar	Maksi- mal ball	Oferentlar nomi			
				№1	№2	№3	№4
1	Tanlov ishtirokchisining tashkiliy shakli to'g'risidagi ma'lumotlar, Tashkilotda qurilish materiallarini sinash uchun laboratoriya xonasining mavjudligi (kadastr hujjatlari nusxasi yoki ijara shartnomasi nusxasi va b	1 -ilova	10				
2	Tanlov ishtirokchisining moliyaviy holati	2-ilova	20				
3	So'nggi uch yil davomida bajargan ish tajribasi	3-ilova	23				
4	Ob'ektning joyida o'rganganligi to'g'risida ma'lumotnoma. Vizual grafik materiallar	4-ilova	10				
5	O'lchov va laboratoriya sinov-tadqiqot ishlarini bajarishda foydalaniladigan o'z balansidagi jihozlar va texnikalarning ro'yxati	5-ilova	12				
	Jami		75				

Tanlov komissiyasi a'zosi _____ « ____ » _____ 2022 y.
 (F.I.Sh.) (imzo) (sana)

VI. Tender takliflarini baholash mezonlari.

36. Tanlov hujjatida har bir parametr bo'yicha majburiy tartibda baholash mezonlari kiritilishi kerak.

Baholash mezonlari 2-jadvalda keltirilgan

Avtomobil yo'llarini (yo'l inshootlarini va binolarini) qurish, rekonstruksiya qilish va to'la ta'mirlash ob'yektlarida o'lchov va laboratoriya sinov-tadqiqot ishlarini bajarish uchun tanlov takliflarini baholash mezonlari.

	Ilovalarning baholash parametrlari nomi.	Ballar miqdori
I. Ishtirokchining tashkiliy shakli. (10 ball)		
1.	Tashkilotda qurilish materiallarini sinash uchun laboratoriya xonasining mavjudligi (kadastr hujjatlari nusxasi yoki ijara shartnomasi nusxasi)	5
2.	Talab qilingan ishlarni amalga oshirishga "Akkreditasiya markazi" DUK tomonidan tasdiqlangan Akkreditasiya yoki ma'qullash to'g'risidagi guvohnomaning mavjudligi	5
II. Ishtirokchining moliyaviy holati. (20 ball)		
3.	Tashkilotning tegishli davri uchun xodimlarning o'rtacha yillik soni va ish haqi jamg'armasi to'g'risida ma'lumotnoma (tegishli davlat soliq tashkilotlari tomonidan tasdiqlangan bo'lishi lozim)	3
4.	Budjet oldida qarzdorligi yo'qligi to'g'risida ma'lumotnoma (tegishli davlat soliq tashkilotlari tomonidan tasdiqlangan bo'lishi lozim)	5
5.	Tanlov ishtirokchisining hisob raqamida buyurtmachi tomonidan qo'yilgan ob'yektning boshlang'ich qiymatini 15% dan kam bo'lmagan mablag' bo'lishi lozim (tegishli bank tomonidan berilgan ma'lumotnoma yoki kafolat)	4
6.	Muddati o'tgan kreditor qarzdorlikni mavjud emasligi	4
7.	Asosiy vositalarning qoldiq qiymati to'g'risidagi ma'lumotlar	4
III. So'nggi uch yil davomida bajargan ish tajribasi (asoslovchi hujjatlar bilan). (23 ball)		
8.	Oxirgi uch yil mobaynida ushbu yo'nalishda o'lchov va laboratoriya sinov-tadqiqot ishlari bajarilgan ob'ektlarning ro'yxati (kamida 30)	10
IV. Ob'yektning joyida o'rganganligi to'g'risida ma'lumot. (10 ball)		
9.	Ob'yektning borib o'rganish (ob'ekt to'g'risidagi ma'lumotlar)	10
V. O'lchov va laboratoriya sinov-tadqiqot ishlarini bajarishda foydalaniladigan o'z balansidagi jihozlar va texnikalarning ro'yxati. (12 ball)		
10.	Bajarilishi lozim bo'lgan ishlar uchun talab qilinadigan laboratoriya uskuna va jihozlarning ro'yxati. (ilovaga muvofiq)	12

Izoh:

1. 1 va 2-jadvallar tanlov takliflarini baholash mezonining tavsiyaviy namunasi, har bir ob'ektning murakkabligi va ish hajmiga qarab baholash mezonlariga xarid komissiyasi o'zgartirish kiritilishi mumkin.
2. Oferent baholash yakunlariga ko'ra 55 balldan kam ball to'plasa (kelgusida – o'tish ballari), tanlov komissiyasi a'zolarining ovozi qarshi hisoblanib, texnik jihatdan malakasi yetarli emas deb hisoblanadi.
3. Ishtirokchilarni takliflari quyidagi hollarda ko'rilmaydi va tanlovdan chetlatiladi (diskvalifitsiya qilinadi):
 - agar taklif tanlov komissiyasining ovoz berish natijalariga ko'ra texnik malakasi yetarli emas deb topilsa.
4. - 2, 3 -ilovalardan biri yoki barchasi taqdim etilmagan bo'lsa.
5. - Yuborilgan xar bir nusxalar korxonadan tomonidan imzolangan va muhrlangan bo'lmasa
 - agar ishtirokchining taqdim etgan narxi buyurtmachining boshlang'ich narxidan yuqori bo'lsa.
 - Xarid komissiyasi tomonidan oferentlar takliflari baholanayotganda, ko'rsatkichlarga qarab ballar interpolyatsiya yo'li bilan amalga oshiriladi.

37. Oferentlarining takliflari quyida ko'rsatilgan tender takliflarining moliyaviy baholash mezonlariga binoan baholanadi.